

# Fèisean nan Gàidheal

## Tuairisgeul-Obrach

Tìotal: **Luchd-Taic Fèisean x 2**  
Àite: **Na h-Eileanan Siar (Leòdhas agus Uibhist)**  
Tuarastal: **Tuarastal £3,150**  
Ùine: **35 uairean san t-seachdain son 10 seachdainean eadar An t-Ògmhios is An Lùnastal**

### Bun Fhiosrachadh

'S e buidheann nàiseanta a tha ann am Fèisean nan Gàidheal, ag obair còmhla ri còrr is 45 Fèisean ionadail air feadh Alba, a' toirt cothrom gu timcheall air 18,000 òganach sgìlean ealan Ghàidhlig ionnsachadh a bharrachd air obair ann am foghlam Gàidhlig agus tachartasan coimhearsnachd a ghabhail os làimh.

Tha Fèisean nan Gàidheal gu mòr an-sàs anns gach roinn de leasachaidhean na Gàidhlig agus ciùil traidiseanta.

Bidh na dreuchdan seo stèidhichte anns na h-Eileanan Siar (aon neach ann an Leòdhas/na Hearadh agus aon neach ann an Uibhist/Barraigh) ach bhiodh feum air siubhal gu sgìrean far a bheil na Fèisean a' tachairt. Bidh an fheadhainn soirbheachail ag obair 35 uairean a thìde airson 10 seachdainean, fo stiùir Manaidsear Leasachaidh na buidhne.

### Prìomh ghnìomhan na dreuchd seo

A' lìbhrigeadh sheirbheisean Fèisean nan Gàidheal do na Fèisean anns an sgìre ainmichte, gu sònraichte:

- A' frithealadh nam Fèisean uile agus a' roinn ur n-ùine eatorra gu cothromach
- A' cur a-staigh iarrtasan airgid an dèidh làimhe, le fiosrachadh àireamheil mu na Fèisean airson maoin a tharraing bho Sgeama Tabhartasan nam Fèisean
- A' toirt taic do chomataidhean nam Fèisean le gnothaichean rianachd agus a bhith a' ruith thachartasan
- Ag obair le comataidhean nam Fèisean gus planaichean leasachaidh aca fhèin a chur an gnìomh
- A toirt taic le poileasaidh Cùram Chloinne na Fèise a chur an gnìomh
- A' toirt taic leis a' Phoileasaidh Gàidhlig againn a chur an gnìomh aig ìre ionadail
- Taic le margaideachd obair nam Fèisean ann an co-bhonn le luchd-obrach eile
- A' cur air dòigh bhideothan goirid le com-pàirtichean nam Fèisean airson measadh a dhèanamh air tachartasan agus ìomhaigh nam Fèisean a thogail anns na neadhanan sòisealta
- A' brosnachadh obair airson dheugairean a chumail an-sàs ann an tachartasan nam Fèisean

### Gnìomhan eile

- A' gabhail pàirt ann an tachartasan air an cur air dòigh le Fèisean nan Gàidheal
- A' frithealadh làithean-trèanaidh airson luchd-obrach ma bhios sin iomchaidh
- Obair eile sam bith a tha taobh a-staigh crìochan na dreuchd a tha seo

Tha Fèisean nan Gàidheal a' faotainn taic bho na buidhnean seo | Fèisean nan Gàidheal is supported by the following bodies



## **Sgilean pearsanta a tha a dhìth**

- Bu chòir tagraichean a bhith fileanta anns a' Ghàidhlig, le comas labhairt agus sgrìobhaidh. Bidh barrachd chuideam air sgilean labhairt.
- Bu chòir ùidh a bhith aig tagraichean ann an obair nam Fèisean agus anns na h-ealain Ghàidhlig san fharsaingeachd
- Bu chòir comas a bhith aig tagraichean obair a chur air dòigh air an ceann fhèin, gun stiùir aig amannan
- Bidh eòlas air obair ann an raon coimhearsnachd gu math feumail
- Bidh eòlas air obair coimpiutairean deatamach gu sònraichte prògraman a leithid Microsoft Word, Excel 's bhiodh eòlas air Adobe Acrobat agus Photoshop buannachdail
- Bidh eòlas air na meadhanan sòisealta gu math feumail
- Bu chòir cead-draibhidh a bhith aig tagraichean.

Bidh tuarastal de £3,150 pàighte thairis air 10 seachdainean. Thèid cosgaisean co-cheangailte ris an dreuchd a phàigheadh a thuilleadh air tuarastal. Feumaidh an neach a shoirbhicheas a dhol tro dheuchainn mar bhall den sgeama PVG aig Fèisean nan Gàidheal.

Feumaidh tagraichean cunntas-beatha slàn (ann an Gàidhlig neo ann am Beurla) a chur thugainn a bharrachd air foirm-iarrtais air a lìonadh leis an fhiosrachadh air fad a tha a dhìth.

Cuiribh foirmean gu Anne Willoughby, Manaidsear Gnìomha, Fèisean nan Gàidheal, Taigh a' Mhill, Port-Rìgh, An t-Eilean Sgitheanach, IV51 9BZ neo air post-d gu [anne@feisean.org](mailto:anne@feisean.org) ro 5f, Diluain 13mh Cèitean.

Airson cothrom còmhraidh agus barrachd fiosrachaidh fhaighinn mun dreuchd, leigibh fios gu Calum Ailig MacMhaoilein, Manaidsear Leasachaidh, Fèisean nan Gàidheal air 01463 225559 no [calum@feisean.org](mailto:calum@feisean.org).

**FEUMaidh IARRTASAN A BHITH AGAINN RO 5F, Diluain 13mh Cèitean 2019.**

**'S e fastaiche co-ionannachd chothroman a tha ann am Fèisean nan Gàidheal**

Tha Fèisean nan Gàidheal riamh air a bhith faiceallach a' dèiligeadh ri fiosrachadh agus ga dhìon. Chithear fios mu phrìobhaideachd tron cheangal [seo](#) agus bu chòir dhuibh innse dhuinn mur h-eil sibh airson conaltradh rinn tro phost-d tuilleadh le bhith a' cur freagairt don seòladh seo, no le fios a chur gu Oifigear Dìon-Dàta na buidhne tro [dpo@feisean.org](mailto:dpo@feisean.org).